

ספר יהושע

פרק י"א

שם הידען:

הקף את המילים שהם 'פעולה', מתח קו מתחת למילים שהם 'אמירות'.

(א) ויהי כשמע יבין מלך חצור וישלח אל יובב מלך מדון ואל מלך שמרון ואל מלך אכשף: (ב) ואל המלכים אשר מצפון בהר ובערבה נגב כנרות ובשפלה ובנפות דור מים: (ג) הכנעני ממזרח ומים והאמרי והחתי והפרזי והיבوسی בהר והחוי תחת חרמון בארץ המצפה: (ד) ויצאו הם וכל מחניהם עמם עם רב כחול אשר על שפת הים לרב וסוס ורכב רב מאד: (ה) וינועדו כל המלכים האלה ויבאו ויחנו יחדו אל מי מרום להלחם עם ישראל: (ו) ויאמר ה' אל יהושע אל תירא מפניהם כי מחר בעת הזאת אנכי נתן את כלם חללים לפני ישראל את סוסייהם תעקר ואת מרכבתייהם תשרף באש: (ז) ויבא יהושע וכל עם המלחמה עמו עליהם על מי מרום פתאים ויפלו בהם: (ח) ויתנם ה' ביד ישראל ויכוסו וירדפו עד צידון רבה ועד משרפות מים ועד בקעת מצפה מזרחה ויכסו עד בלתי השאיר להם שריד: (ט) ויעש להם יהושע כאשר אמר לו ה' את סוסייהם עקר ואת מרכבתייהם שרף באש: (י) וישב יהושע בעת ההיא וילכד את חצור ואת מלכה הכה בחרב כי חצור לפניו היא ראש כל הממלכות האלה: (יא) ויכו את כל הנפש אשר בה לפי חרב החרם לא נותר כל נשמה ואת חצור שרף באש: (יב) ואת כל ערי המלכים האלה ואת כל מלכיהם לכד יהושע ויכס לפי חרב החרים אותם כאשר צוה משה עבד ה': (יג) רק כל הערים העמדות על תלם לא שרפו ישראל וזלתי את חצור לבדה שרף יהושע: (יד) וכל שלל הערים האלה והבהמה בזו להם בני ישראל רק את כל האדם הכו לפי חרב עד השמדם אותם לא השאירו כל נשמה: (טו) כאשר צוה ה' את משה עבדו כן צוה משה את יהושע וכן עשה יהושע לא הסיר דבר מכל אשר צוה ה' את משה: (טז) ויקח יהושע את כל הארץ הזאת ההר ואת כל הנגב ואת כל ארץ הגשן ואת השפלה ואת הערבה ואת הר ישראל ושפלתה: (יז) מן ההר החלק העולה שעיר ועד בעל גד בבקעת הלבנון תחת הר חרמון ואת כל מלכיהם לכד ויכס וימיתם: (יח) ימים רבים עשה יהושע את כל המלכים האלה מלחמה: (יט) לא היתה עיר אשר השלימה אל בני ישראל בלתי החוי ישיבי גבעון את הכל לקחו במלחמה: (כ) כי מאת ה' היתה לחזק את לבם לקראת המלחמה את ישראל למען החריםם לבלתי היות להם תחנה כי למען השמידם כאשר צוה ה' את משה: (כא) ויבא יהושע בעת ההיא ויכרת את הענקים מן ההר מן חברון מן דבר מן ענב ומכל הר יהודה ומכל הר ישראל עם עריהם החריםם יהושע: (כב) לא נותר ענקים בארץ בני ישראל רק בעזה בנת ובאשדוד נשארו: (כג) ויקח יהושע את כל הארץ ככל אשר דבר ה' אל משה ויתנה יהושע לנחלה לישראל כמחלקתם לשבטיהם והארץ שקטה ממלחמה: